

CLASSIS VIII.

DE

SYRUPIS AC MELLITIS.

SYRUPUS ALTERANTES SIMPLICES.

SYRUPUS DE POMIS

SIMPLEX.

℞. Succi Pomorum dulcium ——— libras tres,

Sacchari albi ——— libras quatuor.

Saccharum in Succo per subsidentiam depurato
clarifica secundum artem, & coque in vase terreo,
ut fiat Syrupus justæ consistentiæ.

Ad putredinem arcendam, & melancholicos humores
temperandos commendatur.

R

SYRU.

SYRUPUS DE CYDONIIS

VULGO

MIVA CYDONIORUM.

R_x. Succī Cydoniorum depurati — libras duas,
Sacchari albi — libras quatuor.

Clarifica & coque, ut fiat Syrupus.

Usus in alvi profluviis.

Eadem ratione fiant ceteri Syrupi e succis vinosorum & acidorum fructuum. E. G.

Syrupus de succo Granatorum,
Syrupus de Ribesiis,
Syrupus de Fructibus Rubi Idæi. &c.

SYRUPUS DE ACETOSITATE CITREI.

R_x. Succī Citrei cum suis acinis contritis — libram unam,
Sacchari albi — libras tres.

Clarificato Saccharo, ac fere ad consistentiam Manus Christi densato, Succum cum acinis paulatim affunde, & modicum recoque in terreo vase ad justam spissitudinem.

Refrigerat, ac sitim extinguit.

SYRU-

SYRUPUS DE SUCCO LIMONUM.

R₂. Succı expressi Limonum ——— libram unam,

Sacchari albi ——— libras tres.

Eodem ordine procede, ut in præcedenti Syrupo.

SYRUPUS DE SUCCO ACETOSÆ.

R₂. Succı Acetosæ per subsidentiam depurati,
Sacchari albi, ——— ana libras quatuor.

Saccharum in Succo dissolve, clarifica, & coque
ad debitam consistentiam.

*Convenit in febribus biliosis ad igneum viscerum ca-
lorem compeſcendum.*

Hac eadem ratione conficiantur Syrupi quamplu-
rimi simplices e succis herbarum: E. G.

Syrupus de succo Borriginis,

Syrupus de succo Portulacæ,

Syrupus de succo Cichorii,

Syrupus de succo Endiviæ,

Syrupus de succo Plantaginis,

Syrupus de succo Urticæ,

Syrupus de succo Hederæ terrestris,

Syrupus de succo Artemisiæ,

Syrupus de succo Cochleariæ. &c.

SYRUPUS DE SUCCO VIOLARUM.

R₂. Succi Violarum expressi — libram unam.

Sacchari albi — libras quatuor.

Decocto Saccharo ad consistentiam Manus Christi, & ab igne remoto Succum paulatim affunde, & optime commisce, ut fiat Syrupus loco frigidiusculo servandus.

Calorem viscerum temperat, ventrem mollit, thoracis vitiiis medetur.

Eadem methodo ex aliis floribus, quorum succus facile extrahi potest, Syrupi parentur: E. G.

Syrupus Florum Papaveris Rhœados,

Syrupus Florum Tunicæ,

Syrupus Florum Primulæ Veris,

Syrupus Florum Pæoniæ. &c.

SYRUPUS FLORUM TILIÆ.

R₂. Florum Tiliæ repurgatorum — libram semis.

Infunde in Aquæ subfervidæ libris quatuor: maneant per noctem: infuso colato adde

Sacchari albi — libras quatuor.

Clarifica ut artis est, & coque ad justam Syrupi consistentiam.

Usus in epilepsia & capitis affectibus.

Ex-

Ex floribus parciolem succum habentibus eadem ratione Syrupi confici poterunt; etiam ex ante recensitis, si libuerit.

SYRUPUS FLORUM NYMPHÆÆ.

℞. Florum Nymphææ albæ ab herbaceis ac flavis additamentis mundatorum, & ab aliquot diebus sicciscentium — libram semis.

Infunde, macera, & decoque in sufficienti quantitate Aquæ fontis, dum remaneant libræ quatuor: decoctum fortiter exprime, ac in eo dissolve

Sacchari albi — libras quatuor.

Clarifica, & coque in Syrupum.

Refrigerat ac somnum leniter conciliat.

SYRUPUS DE ROSIS SICCIS.

℞. Rosarum rubrarum exsiccatarum — libram semis.

Fiat infusio secundum artem in Aquæ subfervidæ libris quatuor: infuso colato adde

Sacchari albi — libras quatuor.

Clarifica, & coque in Syrupum.

Roborat, adstringit, alviq̃ue fluxus cohibet.

SYRU-

SYRUPUS CAPILLORUM VENERIS.

℞. Capillorum Veneris ——— libram semis.

Fiat infusio, ut supra, in libris quatuor Aquæ fervidæ: coletur infusum, & cum

Sacchari albi ——— libris quatuor fiat Syrupus secundum artem.

Usus in pulmonis, hepatis, & aliorum viscerum affectionibus.

SYRUPUS DE ABSINTHIO.

℞. Summitatum Absinthii recentium ——— uncias quatuor.

Infunde in libris quatuor Aquæ ferventis per horas duodecim: infuso colato adde

Sacchari albi ——— libras quatuor.

Clarifica, & coque in Syrupum.

Ventriculum & alia nutritionis instrumenta roborat.

Syrupos ex herbis vehementer amaris eadem ratione conficies.

SYRU-

SYRUPUS DE ALTHÆA

SIVE

DE IBISCO SIMPLEX.

℞. Radicum Althææ mundatarum, in orbiculos sectarum — libram semis.

Decoque in sufficienti quantitate Aquæ communis ad remanentiam librarum quatuor: in decocto colato & fortiter expresso dissolve

Sacchari albi — libras quatuor.

Fiat Syrupus ex lege artis.

Ad tussim, & faucium asperitatem leniendam.

Non dissimili ratione ex aliis radicibus Syrupi parentur: E. G.

Syrupus de Scorzonera,

Syrupus de Tussilagine,

Syrupus de Enula Campana. &c.

SYRUPUS DE PAPAVERE ALBO.

℞. Caput Papaveris albi concisorum — uncias quatuor.

Decoque in sufficienti quantitate Aquæ communis: decocto ad remanentiam librarum quatuor evaporato adde

Sacchari albi — libras quatuor.

Fiat Syrupus secundum artem.

Somnum blandissime conciliat.

SYRU-

SYRUPUS DE MECONIO

SYDENHAM.

R̄. Caputum Papaveris albi concisorum cum suis
feminibus — uncias quatuordecim.

Macerentur per horas viginti quatuor in Aquæ
fontis libris octo: bulliant ad mollitiem & ultra,
donec remaneant decocti libræ circiter duæ. In de-
cocto colato & fortiter expresso dissolve

Sacchari albi ————— libras duas.

Fiat Syrupus ex lege artis.

Ad eadem valet ad quæ præcedens, sed efficacior.

Dosis ab uncia semis ad unciam unam.

SYRUPUS DE BACCIS MYRTI.

R̄. Baccarum Myrti ————— uncias octo;

Sacchari albi ————— libras quatuor.

Fiat ex Baccis decoctum, & ex decocto Syrupus
secundum artem.

Diuturnos alvi fluores sistit.

SYRU-

SYRUPUS DE CORTICIBUS CITREI.

℞. Corticum exteriorum Citrei — uncias duas,
 Sacchari albi — libras quatuor.

Clarificato Saccharo, & ad Syrupi fere consisten-
 tiam densato immittantur cortices minute incisi:
 bulliat Syrupus ad justam spissitudinem, & colatus
 ad usum servetur.

*Ventriculum roborat, prævum halitum oris emen-
 dat.*

SYRUPUS DE CORTICIBUS
 AURANTIORUM.

℞. Corticum Aurantium exsiccatum
 — uncias octo.

Decoque in sufficienti quantitate Aquæ commu-
 nis, dum remaneant libræ quatuor: cola, & in
 expresso dissolve

Sacchari albi — libras quatuor.

Clarifica, & coque in Syrupum.

*Ad febres intermittentes, & stomachi affectus usur-
 patur.*

SYRUPUS DE CINNAMOMO.

R_x. Cinnamomi acuti — unciam unam & semis.

Infunde & macera in unciis octo Aquæ calentis,
in vase clauso: deinde fume

Sacchari albissimi — libram unam:

clarifica, & coque ad consistentiam Manus Christi.
Infusum postea supradictum paulatim affunde,
& recoque ad ignem lenissimum.

Cor & spiritus recreat, coctionis vitiis medetur.

Dosis a drachmis duabus ad unciam semis.

SYRUPUS DE CHINA-CHINA

FRANCISCI TORTI.

R_x. Chinæ - chinæ subtr. pulverisatæ — unciam unam.

Irroretur Spiritu Vini ad sufficientem humectationem: fiat infusio in

Vini generosi — unciis sexdecim:

digeratur in balneo-maris per biduum vel tri-
duum, agitando vas pluries in die; facta deinde
per linteum valde rarum colatura cum forti ex-
pressionem, in ea dissolve

Sacchari purissimi — uncias octo.

Coque in Syrupum.

*Ad superandas febres intermittentes infantibus potis-
simum exhibetur.*

Dosis ab uncia una ad uncias duas.

SYRU-

SYRUPUS DE CONTRAYERVA.

℞. Tincturæ Contrayervæ cum Spiritu Vini paratæ,
ex qua Spiritus magna pars abstracta fuerit,
uncias sex,
Sacchari albißimi ————— libras tres.

Clarificato Saccharo, ac fere ad consistentiam
Manus Christi perducto, Tincturam paulatim af-
funde, ac lenissimo igne recoque ad justam spif-
situdinem.

*Alexipharmaca vi ac diaphoretica præstat, in mali-
gnis febribus, variolis, ac morbillis commendatissimus.*

Dosis ad unciam semis.

SYRUPUS DE COCCINELLA

VULGO DICTUS.

SYRUPUS ALKERMES.

℞. Coccinellæ leviter contusæ ————— unciam unam.

Infunde in Aquæ tepentis unciis sexdecim, &
digere, donec extrahatur tinctura, affuso succi Li-
monum tantillo. Infusum cola, & cum

Sacchari albißimi ————— libris duabus
fiat Syrupus secundum artem.

Cor, cerebrum, ac ventriculum roborat.

SYRUPUS DE TEREBINTHINA.

R_x. Terebinthinæ Venetæ ——— libram unam;
 Sacchari albi ——— libras duas.

Dissoluto Saccharo in sufficiente quantitate Aquæ Anonidis, & clarificato admisceatur Terebinthina, simulque cum eo coquatur, dum Syrupus acquirat justam spissitudinem; quo refrigerato, crassum Terebinthinæ magma auferatur, Syrupus vero separatus ad usum servetur.

Balsamica vi pollet, ac diuretica.

Dosis ab uncia semis ad uncias duas.

SYRUPUS BALSAMICUS

PHARMACOPŒIÆ LONDINENSIS.

R_x. Balsami Tolutani ——— uncias duas,
 Aquæ Violarum ——— libram unam.

Coque in vase circulatorio optime clauso, in balneo arenæ calentis per horas duas vel tres: coletur liquor odore Balsami imbutus: refrigerato admisce

Sacchari candi purissimi ——— uncias viginti,
 vel quantum opus est, ut fiat Syrupus justæ consistentiæ sine ope caloris.

Usus in sputo purulento, ac pulmonum ulcusculis.

Dosis ab uncia semis ad unciam unam.

SYRU-

SYRUPUS DE PETO

QUERCETANI

℞. Succī Peti sive Nicotianæ — libras quatuor,

Oxymelitis simplicis — uncias quatuor,

Hydromelitis — libram unam.

Digere in matraccio vitreo per duos vel tres dies in balneo-maris: ubi sedimentum in fundo apparuerit, limpidum liquorem in aliud vas diligenter transfunde, ac iterum digere; quem ubi rursus per inclinationem perfecte depuraveris, cum

Sacchari albi — libris duabus clarifica, & coque in Syrupum.

In asthmaticis affectibus, ubi a crassa ac viscida pituita suffocationis periculum imminet.

Dosis ad cochlear dimidium.

SYRUPUS CHALYBEATUS.

℞. Vini Chalybeati,

Sacchari albi, — ana partes æquales.

Coque in Syrupum in vase terreo.

Ad obstructions auferendas valet plurimum.

Dosis ab uncia semis ad unciam unam.

SYRU-

SYRUPUS ACETOSUS.

R. Aceti optimi albi a facibus depurati
— libram unam,
Sacchari albi — libras tres.

Clarificato Saccharo, & ad Manus Christi spissitudinem propemodum cocto, Acetum affunde, & recoque tantillum in vase terreo, ut fiat Syrupus justæ consistentiæ.

Bilis acrimoniam infringit, urinam movet, putredini resistit.

SYRUPUS CARDIACI.

JULAPIUM VULGO DICTI.

JULAPIUM ROSATUM.

R. Aquæ Rosarum odoratissimæ — uncias sexdecim,
Sacchari albissimi — libras quatuor.

Clarificato Saccharo, & ad consistentiam Manus Christi perducto — affundatur paulatim Aqua Rosarum, & recoquatur lenissimo igne in Syrupum sive Julapium.

Cor reficit, spiritus recreat, æstum compescit, sitim extinguit.

JULA-

JULAPIUM GEMMATUM

QUERCETANI.

℞. Tincturæ Gemmarum — unciam unam & semis,
 Sacchari albissimi — libram unam.
 Eodem ordine procede, ut in Julapio Rosato.

JULAPIUM PERLATUM

QUERCETANI.

℞. Tincturæ Margaritarum — unciam unam & semis,
 Sacchari albissimi — libram unam.
 Fiat ut supra Julapium.

Mira de utroque Julapio, Gemmato ac Perlato Quercetanus auctor pollicetur.


JULAPIUM DE CORALLIIS

QUERCETANI.

℞. Tincturæ Coralliorum rubrorum — unciam unam & semis,
 Sacchari albissimi — libram unam.
 Eadem methodo utere ut in præcedentibus Julapiis.

Refrigerat & adstringit.

SYRU-



SYRUPUS ALTERANTES COMPOSITI.

SYRUPUS DE IBISCO COMPOSITUS

FERNELII.

℞. Radicum Ibisce sive Althææ — uncias duas,
 Cicerum rubrorum — unciam unam,
 Radicum Graminis,
 Asparagi,
 Glycyrrhizæ,
 Passularum, — ana unciam semis,
 Seminum frigidorum majorum,
 minorum,
 — ana drachmas tres,
 Foliorum Althææ,
 Malvæ,
 Parietariæ,
 Pimpinellæ,
 Plantaginis,
 Capilli Veneris,
 Adianti albi, — ana manipulum unum.

Triturata omnia, vel incisa decoque per gradus
 in libris octo Aquæ fontis ad consumptionem medie-
 tatis. In decocto colato & expresso dissolve

Sacchari albi — libras quatuor.

Clarifica, & coque in Syrupum.

Thoracem lenit, & urinæ ardorem compescit.

SYRU-

SYRUPUS DE SYMPHYTO FERNELII.

℞. Radicum Symphyti five Consolidæ majoris,
 Foliorum ejusdem, — ana manipulos tres,
 Rosarum rubrarum recentium,
 Foliorum Betonicæ,
 Plantaginis,
 Pimpinellæ,
 Centinodiæ,
 Scabiosæ,
 Tussilaginis, — ana manipulos duos

Expressus ex omnibus succus per subsidentiam de
 puretur, & cum

Sacchari albi — æquali pondere
 fiat Syrupus ex lege artis.

Ad hamoptysim & alias sanguines eruptiones.

SYRUPUS AD SPUTUM SANGUINIS

BOYLE.

℞. Radicum recentium Consolidæ majoris
 — uncias sex,
 Foliorum Plantaginis — manipulos duodecim.

Expresso succo ac depurato, cum

Sacchari albi — æqua portione
 fiat Syrupus secundum artem.

T

SYRU-

SYRUPUS DE JUJUBIS

MESUÆ.

℞. Jujubas ————— numero sexaginta ;

Violarum,

Seminum Malvæ, — ana drachmas quinque

Glycyrrhizæ,

Capillorum Veneris,

Hordei mundi, — ana unciam unam,

Seminum Cydoniorum,

Papaveris albi,

Melonum,


Lactucæ,

Tragacanthi, — ana drachmas tres.

Coque in libris quatuor Aquæ pluviz ad medietatis consumptionem, & facta expressione, cum

Sacchari albi ————— libris duabus

fiat Syrupus ex lege artis,

Sputi crudioris coctionem promouet, raucis, tussientibus, pleuriticis confert.

SYRU.

SYRUPUS DE HYSSOPO COMPOSITUS

MESUÆ.

℞. Summitatum Hyssopi,
 Radicum Apii,
 Fœniculi,
 Petroselini,
 Glycyrrhizæ, — ana drachmas decem,
 Capillorum Veneris, — drachmas sex,
 Hordei mundi — unciam semis,
 Passularum — unciam unam & semis,
 Seminum Malvæ,
 Cydoniorum,
 Tragacanthi, — ana drachmas tres,
 Jujubas,
 Fructus Sebesten, — ana numero triginta,
 Caricas pingues,
 Dactylos maturos, — ana numero decem.

Decoque in libris quatuor Aquæ fontis ad consumptionem medietatis: decoctum cola, & fortiter exprime: in expresso dissolve

Penidiorum — libras duas.

Coque in Syrupum.

*Ad frigidas thoracis affectiones superandas plurimum
 valer.*

T 2

SYRU-

SYRUPUS RESUMPTIVUS

SIVE

DE TESTUDINE RENODÆI.

℞. Carnis Testudinum terrestrium — uncias quatuor,
 Hordei mundi ————— uncias duas,
 Pulpæ Dactylorum ————— unciam unam,
 Zibeborum,
 Glycyrrhizæ, ————— ana drachmas sex,
 Fructus Sebesten,
 Jujubas, ————— ana numero duodecim,
 Seminum Bombacis,
 Melonum,
 Cucumeris,
 Citrulli, ————— ana unciam semis.
 Lactuæ,
 Papaveris albi, — ana drachmas duas,
 Foliorum Tussilaginis,
 Pulmonariæ,
 — ana manipulum unum,
 Violarum,
 Florum Nymphææ, ————— ana unciam semis:
 Decoque per gradus in libris sex Aquæ fontis ad
 dimidias: decoctum cola, & in expresso dissolve
 Sacchari albi ————— libras duas,
 Tabellarum Manus Christi Rosatæ,
 Diatragacanthi Frigidi,
 — ana libram semis.
 Cla-

Clarifica, & coque in Syrupum.

Macie confectis prodest, phthysicis, tabidis, & his, qui prava pulmonum diatbesi laborant.

SYRUPUS DE GLYCYRRHIZA

MESUÆ.

℞. Glycyrrhizæ contusæ ——— uncias duas,

Capillorum Veneris ——— unciam unam,

Summitatum Hyssopi exsiccatarum

— unciam semis.

Macera per diem in Aquæ calentis libris quatuor: decoque ad dimidias, cola, & in expresso dissolve

Penidiorum, vel eorum loco Sacchari albissimi ——— uncias sexdecim,

Mellis optimi ——— uncias octo.

Clarifica & coque ad Syrupi densioris consistentiam: sub finem adde

Aquæ Rosarum ——— uncias sex.

Rursus ferveat leni calore ad aliquot ebullitiones, dum acquirat debitam spissitudinem.

Tussi antiquæ, pleuritidi, aliisque thoracis affectibus opitulatur.

SYRU-

SYRUPUS DE ERYSIMO

LOBELII.

℞. Erysimi florecentis ————— manipulos sex,

Radicum Enulæ Campanæ,

Tussilaginis,

Glycyrrhizæ, — ana uncias duas,

Foliorum Borraginis,

Cichorii,

Capilli Veneris,

— ana manipulum unum & semis,

Florum quatuor cordialium,

Rorismarini,

Betonicæ, — ana manipulum semis.

Incisa omnia, vel si opus fuerit contusa mace-
rentur in

Aquæ Hordei,

Hydromelitis, ————— ana libris tribus,

Succi Erysimi ————— unciis sex.

Decoquantur ad dimidias, & facta colatura, in
decocto expresso dissolve

Sacchari albi ————— libras tres.

Clarifica, & coque in Syrupum.

*Viscidos humores & crassos attenuat, raucedini me-
detur.*

SYRU-

SYRUPUS DE QUINQUE RADICIBUS.

℞. Radicum Apii,
 Fœniculi,
 Petroselini,
 Rusci,
 Asparagi, ——— ana uncias duas.

Macerentur, & bulliant in Aquæ fontis libris decem ad consumptionem medietatis, & cum

Sacchari albi ——— libris quinque
 fiat Syrupus secundum artem.

*Humores crassos incidit, urinas provocat, hepatis ac
 lienis obstructiones reserat.*

SYRUPUS DE DUABUS RADICIBUS.

℞. Radicum Petroselini,
 Fœniculi, ——— ana uncias duas.

Macerentur, ut supra, & bulliant in Aquæ fontis libris quatuor ad dimidias, & cum

Sacchari albi ——— libris duabus
 fiat Syrupus ex lege artis.

Ad præcedentem Syrupum viribus proxime accedit.

SYRU-

SYRUPUS ANTISCORBUTICUS FORESTI.

℞. Succi defæcati Cochleariæ,
Beccabungæ, —ana libram semis,
Sacchari albi ————— libram unam

Clarificato Saccharo, & ad consistentiam Manus Christi perducto, Succos paulatim affunde, & levi ebullitione ad justam spissitudinem redige.

SYRUPUS DE ARTEMISIA CUM CASTOREO

LEMERY.

℞. Foliorum Artemisiæ ——— manipulos tres.

Infunde per horas duodecim in
 Aquæ Artemisiæ ————— libris quatuor.

Coque ad dimidias: decoctum cola, & in expresseo dissolve

Sacchari albi ————— libras duas.

Clarifica & coque in Syrupum: sub finem vero
coctionis adde quæ sequuntur nodulo inclusa,

Salis fixi Artemisiæ ——— unciā semis,

Cinnamomi ~~drachmas tres~~ drachmas tres,

Castorei,

Spicæ Nardi, — ana drachmam unam.

Syrupum perfecte coctum cum suo nodulo in
usum repone.

*Suppressos menses, aut parcius fluentes movet, uteri
strangulatus ac subversiones sedat.*

SYRU-

SYRUPUS DE STœCHADE

FERNELII.

℞. Comarum Stœchados ——— uncias quatuor,

Thymi Orientalis,

Origani Orientalis,

Calaminthæ Montanæ,

— ana unciam unam & semis,

Foliorum Salviæ,

Betonicæ,

Florum Rorismarini, ——— ana unciam semis,

Seminum Rutæ,

Pæoniæ,

Fœniculi, ——— ana drachmas tres.

Triturata omnia decoque lenissime in libris sex
 Aquæ fontis in olla clausa, donec remaneant libræ
 circiter quinque: decoctum cola, fortiter exprime,
 & in eo dissolve

Sacchari albi,

Mellis optimi, ——— ana libras duas.

Clarifica, & coque in Syrupum; cui sub finem
 coctionis adde quæ sequuntur nodulo inclusa,

Cinnamomi,

Zingiberis,

Acori, ——— ana drachmas duas.

Fiat Syrupus justæ consistentiæ cum suo nodulo
 reponendus.

*Ad paralysim, epilepsiam, convulsionem, & alias ner-
 vorum passiones a causa frigida.*

SYRU-

SYRUPUS PURGANTES SIMPLICES.

SYRUPUS ROSATUS SOLUTIVUS

VULGO

MUCHARUM ROSATUM.

℞. Infusionis Rosarum Solutivæ,
Sacchari albi, ——— ana partes æquales.

Clarifica, & coque in Syrupum.

Alvum mollit, morboſæ ſitis cauſam removet, viſcera refrigerat & humectat.

Dofis ab unciiis tribus ad uncias ſex.

SYRUPUS VIOLATUS SOLUTIVUS

VULGO

MUCHARUM VIOLATUM.

℞. Infusionis Violarum Solutivæ,
Sacchari albi, ——— ana partes æquales.

Fiat Syrupus ſecundum artem.

Uſus idem ac præcedentis, eademque Dofis.

V 2

SYRU-

SYRUPUS ANGELICUS.

R̄. Rosarum communium semiapertarum, & matutino rore madentium — libram unam.

Infunde in libris quatuor Sacchari albi in Aqua dissoluti, & post clarificationem ab igne remoti. Sequenti die rursus eandem quantitatem Rosarum roridarum affunde, & ita perge per aliquot dies, quoad Rosæ non amplius decolorentur: tum facta forti expressione, Saccharum colatum recoque ad justam consistentiam Syrupi.

Clementer purgat, biliosos humores sine molestia eliminat, & hypochondriacis affectibus succurrit.

Dosis ab unciiis tribus ad uncias quinque.

SYRUPUS FLORUM PERSICÆ.

R̄. Florum Persicæ recentium — libram unam.

Infunde in libris quatuor Aquæ fontis subservidæ, & macera per noctem in loco calido: facta expressione, rursus eandem quantitatem florum affunde, & iterum macera; infusionem tertia vice repete; & in ultimo infuso fortiter expresso dissolve Sacchari albi — libras duas & semis.

Clarifica, & coque in Syrupum.

Alvum leniter solvit, aquas ac bilem educit, vermes necat, mesenterii & aliorum viscerum infarctus attenuat.

Dosis ab uncia una ad uncias tres.

SYRU-

SYRUPUS DE SPINA CERVINA.

℞. Succi depurati Baccarum Spinæ Cervinæ,
Sacchari albi, ——— ana partes æquales.

Clarifica, & coque in Syrupum.

Ad serosos humores educendos in chronicis affectibus.

Dosis a drachmis duabus ad unciam unam & semis.

SYRUPUS PURGANTES COMPOSITI.

SYRUPUS DE POMIS SOLUTIVUS

SABOR REGIS MEDORUM.

℞. Sennæ Orientalis ——— uncias quatuor,

Anisorum ——— unciam semis.

Infunde & macera per horas viginti quatuor in

Succi depurati Pomorum dulcium — libris tribus,

Borraginis,

Buglossæ, — ana libris duabus.

Post lenem ebullitionem cola, & in expresso dissolve

Sacchari albi ——— libras tres.

Clarifica & coque in Syrupum; cui sub finem
superadde in nodulo

Croci Orientalis ——— drachmas duas.

Nodulum inter coctionem sæpius exprime, &
cum eo Syrupum usui repone.

Effi-

ptionem medietatis: cola, & in expresso dissolve
Sacchari albi ————— libras quatuor.

Clarifica, & coque Sin yrupum; cui circa finem
coctionis adde Infusum factum secundum artem ex
Rhabarbari triti ————— unciis duabus,

Spicæ Nardi ————— drachmis quinque,

Aquæ Cichorii ————— libra una:

reservata tamen Rhabarbari, & Spicæ Nardi con-
venienti portione, quam nodulo ex tela rarioris
texturæ confecto inclusam Syrupo bullienti sub fi-
nem immittes, nodulumque sæpius inter coctionem
exprimes. Syrupum ad justam spissitudinem du-
ctum cum suo nodulo nunquam postea removen-
do ad usum repones.

*Ad obstructiones hepatis, lienis, & aliorum viscerum
referandas; cachexiam, nephritidem, epilepsiam puero-
rum a vermibus productam, & melancholicos affectus
extirpandos feliciter usurpatur.*

Dosis ab uncia semis ad unciam unam & semis.

SYRUPUS CACHECTICUS

FERNELII.

R. Radicum quinque aperientium — ana uncias duas,

Florum quatuor cordialium — ana uncias duas,

— ana pugillum unum,

Foliorum Agrimonie,

Asplenii,

Capil-

Capillorum Veneris,
Comarum Cuscutæ, — ana manipulum semis,

Seminum Carthami contusorum — unciam unam,
quatuor frigidorum majorum
— ana unciam semis,

Sennæ Orientalis,
Radicum Polypodii, — ana uncias duas,

Agarici — drachmas duas,

Cinnamomi — unciam semis.

Macerentur omnia per horas viginti quatuor in

Aquæ Cichorii,
Agrimonix, — ana libris tribus.

Bulliant ad consumptionem medietatis, & facta
colatura cum forti expressione, in ea dissolve

Sacchari albi — libras tres.

Clarifica, & coque in Syrupum; cui circa finem
coctionis superadde in nodulo rarioris texturæ

Rhabarbari — unciam semis,

Spicæ Nardi — scrupulos duos.

Syrupum perfecte coctum cum suo nodulo in usum
repone.

*Aluum molliter solvit, viscera deobstruit, cachexia,
ceterisque morbis ab ea provenientius occurrit.*

Dosis ab uncia una ad uncias duas.

SYRU-

SYRUPUS DE POLYPODIO.

℞. Radicum Polypodii ——— libram unam,
 Passularum ——— libram semis,
 Myrobalanorum Citrinarum,
 Chebularum,
 Indarum, — ana unciam unam
 & semis,
 Radicum Acori ——— drachmas decem,
 Seminum Fœniculi ——— unciam unam.

Contunde & macera per diem in
 Succis depuratis Rosarum communium,
 Borriginis, — ana libra una,
 Aquæ fontis ——— libris octo.

Decoque ad dimidias: decoctum cola & adde
 Epithymi ——— unciam unam,
 Sennæ Orientalis ——— uncias sex,
 Rhabarbari,
 Cinnamomi, — ana unciam semis.

Maneant infusa per horas vigintiquatuor; bul-
 liant rursus ad unicam ebullitionem: cola & forti-
 ter exprime: in colatura dissolve
 Sacchari albi ——— libras quinque.

Clarifica, & coque in Syrupum.

*Crassos & viscidos humores attenuat, atram bilem
 dejicit, lienisque affectibus succurrit.*

Dosis ab uncis tribus ad uncias quinque.

X

SYRU-

SYRUPUS DE HELLEBORO

QUERCETANI.

℞. Fibrarum Hellebori nigri — drachmas sex,
 Sennæ Orientalis — uncias duas,
 Turpethi,
 Hermodactylorum, — ana unciam unam,
 Agarici,
 Seminum Anisi,
 Fœniculi,
 Corticum Citrei, — ana unciam semis,
 Caryophyllorum,
 Macis,
 Cinnamomi, — ana drachmas duas.

Infunde in

Oxymelitis simplicis,
 Vini Malvatici,
 Aquæ Melissæ,
 Fumariæ, — ana libra una.

Macera in vase vitreo clauso per dies quatuor in balneo-maris; postea leniter decoque ad consumptionem medietatis, & in colatura dissolve

Sacchari albi — libram unam & semis.

Clarifica, & coque in Syrupum justæ consistentiæ.

Morbis a materia tartarea, crassa, ac tenaci dependentibus, in capite, thorace, ventriculo, hepate, liene, utero, ipsisque articulis non mediocriter confert.

Dosis ab uncia semis ad unciam unam.

MEL-

MELLITA ALTERANTIA.

MEL ROSATUM SIMPLEX.

℞. Rosarum communium repurgatarum — libras sex.

Infunde & macera in Aquæ fontis libris duodecim: infuso colato adde

Mellis albi ————— æquale pondus.

Despuma, & coque ad Syrupi consistentiam.

Adstringendi vi pollet, ac roborandi.

MEL VIOLATUM SIMPLEX.

Ex Violis fit eadem ratione, ac Mel Rosatum ex Rosis.

Usus in clysteribus ad emolliendum.

DIAMORON GALENI.

℞. Succī depurati Mororum Rubi,

Mellis albi, ————— ana partes æquales.

Despuma, & coque ad Syrupi consistentiam.

In levioribus faucium & gutturis inflammationibus passim usurpatur.

X 2

HYDRO-

HYDROMEL SIVE MELICRATUM

SIMPLEX.

℞. Mellis optimi ————— libram unam ;

Aquæ puræ ————— libras octo.

Decoque ad perfectam Mellis despumationem ;
& si diutius servandum fuerit ad Syrupi ferecon-
sistentiam.

*Puris & pituitæ crassæ exscreationem promouet , si-
tim sedat , & calculosis prædest.*

HYDROMEL CUM SUCCO CERASORUM

QUERCETANI.

℞. Mellis optimi ————— libras duas ,

Aquæ fontis ————— libras duodecim.

Coque simul ad despumationem Mellis , & adde
Succi Cerasorum acidulorum — libram unam .

Rursus coque lenissime , spumam auferendo ac-
curatissime quantum fieri potest , & coctum Hydro-
mel ad justam consistentiam in usum serua.

Situm in morbis acutis extinguit.

Simili ratione ex aliis acidis succis confici pos-
sunt Hydromelita.

HYDRO-

HYDROMEL COMPOSITUM.

℞. Passularum ————— uncias sex,

Jujubarum ————— uncias tres,

Radicum Enulæ Campanæ,
Glycyrrhizæ, — ana unciam unam,

Foliorum Tussilaginis,
Hederæ terrestris,

Violarum, — ana manipulum unum.

Triturata omnia vel incisa decoque in libris duodecim Aquæ fontis ad remanentiam tertiæ partis: decoctum cola & adde

Mellis optimi ————— libras quatuor.

Despuma, & coque ad justam spissitudinem.

Ad tussim antiquam, sputum glutinosum, & spirandi difficultatem.

OXYMEL SIMPLEX.

℞. Aceti optimi ————— libras duas,

Mellis albi ————— libras quatuor.

Despuma, & coque secundum artem in vase terreo ad justam Syrupi consistentiam.

Valer ad humores crassos & viscidos incidendos.

OXY-

OXYMEL COMPOSITUM SIVE DE RADICIBUS

MESUÆ.

R. Radicum quinque aperientium — ana unciam unam,
 Seminum Apii,
 Fœniculi,
 Anisi, — ana unciam semis.

Decoque in sufficiente quantitate Aquæ fontis ad remanentiam librarum duarum: decocto colato adde
 Aceti acerrimi — libras tres,
 Mellis albi — libras quatuor.

Despuma, & coque in vase terreo ad debitam consistentiam.

Incidit & attenuat efficacius quam simplex: hepatis, lienis, ac renum obstructiones aperit.

OXYMEL SCILLITICUM.

R. Aceti Scillitici — libras duas,
 Mellis albi — libras quatuor.

Despuma, & coque in vase terreo ad consistentiam Syrupi.

Humores crassos, lentos, & eradicatu difficiles extenuat; epilepticis & asthmaticis confert; uberius vero assumpsum vomitum ciet.

Dosis a drachmis duabus ad unciam unam.

MEL-

MELLITA PURGANTIA.

MEL ROSATUM SOLUTIVUM.

℞. Infusionis Rosarum Solutivæ,
Mellis albi, ——— ana partes æquales.

Despuma, & coque ad consistentiam Syrupi.

Biliofos humores ac pituitosos citra molestiam sol-
vit.

Dosis ab unciis quatuor ad uncias sex.

MEL VIOLATUM SOLUTIVUM.

℞. Infusionis Violarum Solutivæ,
Mellis albi, ——— ana partes æquales.

Despuma, & coque ad justam consistentiam.

Alvum lubricat, pulmonem & tracheam abstergit.

Dosis ab unciis quatuor ad uncias sex.

CLAS-